

Il scanner blut vegn!

DA SILVIO CAMENISCH

La cumpra dal scanner blut, il Nackt-Scanner, è daventà in tema, nua ch'ins taidla. Il bumbardader da Detroit ha mussà che las attatgas vegnan pli datiers. Quantas giadas ch'ins è sigli si en panica la notg da Son Silvester e Bumaun, sa crajend segir ch'igl haja dà explosiuns da El Kaida; dasper avevan buns vischins scucunà (entkorkt) l'otgantavla butiglia vin stgimant. Sch'ins n'ha betg uschè buns cunfins tranter vischins, e da quai datti en cas extrem fin en il hinterland Lumnezia/Vella, è la tema subit qua ch'ins sajettia scharf cun cucununs (Riesenkorkzäpfchen) en ses curtin. Tge sas!

Segir èn ins oz nagliur pli. Er en tempels da cumpras en las regiuns per la regiun èn ins preoccupà ch'i pudess dar insatge. Sas tant mai, cun tge glied che ti ta scuntras en quels supermartgads, ch'han pudì fitgar pe en Surselva rumantscha. Jau manegel, ch'han finalmain er tar nus ina chomma ferma. Lidl, Diddl, Fiddl, Biddl, Niddl, Middl, Piddl u co ch'els tuts sa numnan en quellas chadainas da discount trendy. Uschia ch'igl è betg dasperas, sch'ins patratga a temp d'acquistar ed installar scanners dal corp davant noss tempels



da cumpras, ed insumma tempels.

En la proxima sessiun Evegn il parlament da la Surselva a sa fatschentar entiramain cun questa tematica. Nua ch'i duaia dar body-scanners. Ins saja londervi d'elavurar in ferm concept d'urgenzas, aud'ins dad insiders. Cler ch'en in'emprima fasa vegnan servids ils tempels da cumpras pli gronds, en segunda er ils pli pitschens. Ord il pli pitschen Lidl u Diddl, anc uschè discret en la regiun gronda Glion, pudessan Minarettists plazzar bum-bas, ed ellas san er esser flüssig. Liquidas, per Clutgerists dal «Stai si defenda».

Ins fa bain da preveder Imemia baud che memia tard. Il schaner datti prezis da fantasia, da bon prix, sch'ins cumpra dua-trait-schient scanners dal corp sin in plum. Lain evitar da dir malpatratgà «scanners bluts». Nossas senioras e

seniors 90plus han starmentun, gist vegnan en panica. Er els èn consumentas e consuments en Lidl e Diddl dal temp. Tgi sa lascha radiografar gugent davant quellas stizuns ch'ins vesa tras tut! Rubas e strubas vesan ins tras, che ti veglias u betg. Ins s'accorscha dadador sco passant chasual u da mirveglias, sche tes corp dat in di in cas per ruments speziels u sutterrada normala.

Vidlonder vegnan maclass umanas disch-avantages da tuttas sorts, ch'in scanner blut scuvra subit. El penetrescha, mir nichts dir nichts, en la davosa rusna da talpa da noss esser uman e tuppamain era voss. Nagut resta pli en il somber u stgir. Ils «Misteris da Caumastgira» raquintads a moda actuala da Toni Halter mort, tutgan definitiv al passà. Tgi avess carti ch'i vegnia in temp ch'ins dovria il scanner blut per far sias cumpras en tutta ruassaivladad e segirtad!

Uss datti glied che Ugnanc po spetgar ils emprims scanners. Quels e quellas ch'han da mussar insatge che nus n'avain tuppamain betg. Gia reservà voss date da laschar far in pau igl aufpeppen voss body? Maxim-Girl 07 («Ich bin die heisseste Buchhalterin der Schweiz») ha gia laschà. Jau na spetgass betg minuta!